

補續全蜀藝文志

補續益蜀祝文志卷之二十一

總裁

黃岡杜應芳

景陵胡永詔

書

遺應詹書

晉杜 欽

天步艱難始自吾州。所黨流移在于荆土。其所遇值
茂之如遺。頓伏死亡者。略復過半。備嘗荼毒。足下所
鑒也。客主難久。嫌隙易結。不謂樂鄉起變。出於不意。
時與足下。思散疑結。求離其黨。帥惟恐笑不經遠力。

不陷堅耳及在湘中懼死求生遂相結聚欲守善自
衛天下小定然後輸誠盟府尋山公鎮夏口卽具陳
之此公鑒開塞之會察窮通之變納吾於衆疑之中
非高識之覩孰能若此西州人士得沐浴于清流豈
惟滌蕩瑕穢乃骨肉之施此公薨逝斯事中廢賢愚
痛毒竊心自悼欲遣滕永大張休豫詣大府備列起
事以來本末但恐貪功徇名之徒將讒聞於聖主之
聽戮吾使於市朝以彰叛逆之罪故未敢遣之而耳
陶卒至水陸十萬旌旗耀於山澤舟艦侈于三川威

則威矣然吾衆竊未以爲懼晉文伐原以全信爲本
故能使諸侯歸之陶侃宜赦書而繼之以進討豈所
以崇奉明詔示軌憲於四海逼而義之夫以爲叛逆
之虜蹙思善之衆以極不赦之責非不戰而屈人之
笑也驅略烏合欲與爲死者求一戰未見爭衡之微
權也吾之赤心貫於神明西州人士卿粗悉之耳寧
當令抱枉於時不證於大府耶昔虞卿不營大國之
相與魏齊同其安危司馬遷明言救李陵雖刑殘而
無慨足下抗威千里聲播岷衡進宜爲國思靖難之

略退與舊交措枉直之正不亦綽然有餘裕乎望卿
騰吾牋令時達盟府遣大使之臨使吾得披露肝膽
沒身何恨哉伏想盟府必結紲於紀綱爲一康于聖
世使吾廁列義徒負戈前驅迎皇輿爲聞闔掃長蛇
於荒裔雖死之日猶生之年也若欲掃清方夏却定
中原吾得一年之糧使沂流西歸夷李雄之逋寇修
禹貢之舊獻展微勞以補往愆復州邦以謝鄰國亦
其志也惟所裁處耳吾遠州寒士與足下出處殊倫
誠不足感神交而濟其傾危但顯吾忠誠則汝嶽有

忠順之心衡湘無伐叛之虞惟足下宏納之至極
徒陷溺之艱焉可金玉其音哉然願順十餘萬口亦
勞瘁于警備思放逸于南畝矣衡嶽江湘列吾左右
若徃言有貳血誠不亮益州受殃不惟鄙言而已

爲杜弢啓上書

應詹

杜弢益州秀才素有清望文理旣優幹事兼美徃因
使流寓居詹郡界其真心堅白詹所委悉李驤爲變
樂鄉劫略良著弢時出家財招募忠勇登壇歃血義
誠慷慨會驤攻燒南平弢遂東流巴漢與湘中鄉人

相遇推其素望遂相憑結論毀本情非首作亂階者
也然破湘州實毀之罪亦由兵交其間遂使滋蔓拔
毀今書血誠亦至矣昔朱鮪自疑於洛陽光武指河
水以明心鮪感義歸誠終展力報施受封侯之寵尚
恕過錄功也詹竊謂今者當厄運之會思弘遠猶故
齊赦射鉤之誅晉貫斬祛之戮用能濟翼戴之高勲
隆一康之羨譽况毀等素無斯愆而稽顙投命邪以
爲可遣大使宣揚聖旨雲澤沾之于上有姓沐浴於
下則上下交泰江左無風塵之虞矣

上宰相書

唐劉蛻

天下固有良時旣去而悲歌嘆泣之不同故嗛時則嘆已去而泣過時而歌然君子居其位則恥聞之不在其位則恥而不能言之其爲士君子之心不忍聞之與聞之而不忍棄之則一也夫思慮可以精安危步驟可以負戈安強勁壯勇持久有守臨事不亂然而良時不與斯不得不嘆旣而信不見任智不見謀周游而晚歸風雨相半苦其精力良時不集而畏事之不成斯不得不泣及其田園已暮始反鄉里白頭

無成事反自疑斯不得不歌是其爲人皆以憂天下
而欲用其道者也不私其身之安佚而休者也旣不
私其身則公於悲歌者嘆泣者也而是人豈以富貴
而後天下之心哉蛻也歌之則已太早泣之則不得
不豫計嘆之則正當其時而君子未聞雖然閣下及
其以壯而用之無使後時泣歌恥累君子幸甚太玄
曰當時則貴已用則賤其不可後也已矣况當今最
無人矣溪無人矣佐王治人集竹之術一皆以文學
進苟文學進而君子不動心則蛻也不知其所集作

得罪

按知已書

或云興大理楊卿書

前人

復何事哉弓矢乎制敵之事今爲導衛羽儀金革乎
勇衆之器今爲節奏和聲射宮蓬蒿幽燕少年耻
其下文之用莫過乎當時文之人莫過乎閣下復何
事哉漢旣治詩書禮樂者已逸隆求亡書者故冬官
考工開千金之購議帝制者進退贊拜定茅莚之中
而今河洛塚壁圖簡編備矣降俯仰不倒步序便蕃
之儀莫過乎當時優游之學莫過乎閣下復何事哉

材力既以相舉忠正得以相扶及秦世爲之詖言東
漢爲之黨禁公道畏忌相顧而野死今布衣匹夫得
歌王公大人之盛德先進達生得薦布衣匹夫之事
業唯其公密舉之不以爲疑扶之不以爲黨無私之
道莫過乎當時譽能之心集作人莫過乎閣下嗚呼苟
有其時而無其人雖有譽能之心集作人斯爲閣下
惜有其人有其時而閣下苟不留意屬念斯爲來世
弟蛻生二十餘年已過當時之盛棲遲困辱者過集
作末遇當時之人書成而掌樂乎其時出車滿於道

路而才高於蛻忌蛻侵已才下於蛻畏蛻擅名是以
深知之者不得終其朝疑欲振之者又自無其力已
謂其書空集作終爲來世弟已矣乎不意得與閣下不
爲異世同乎文字所謂當時之人斯非閣下者乎則
其人未死日能言手能畫閣下見之復用何道以接
之既接之復用何詞以譽之乎譽之得盡其才接之
得盡其禮斯人也讀書業文德集作得有知己居窮守
道死且不朽復何事哉

荅知己書

前人

蛻嘗感近世知已

集作友

隳離交道沈

集作曠

廢不忍終日

疚之於心思出其門間上謁於公卿水行吳楚之城
陸走商周之甸旁聽天下歲晚而歸卒無所遇是十
六國之故墟四瀆之隅落未足爲大也卒不能副蛻
也區區之望况有一言解相印一見爵上卿者乎斯
不無人晚乃遇之不自紹介之日不因謀囑之勢纓
綬車佩下人蓬蒿一言而膠附不離有憂其終始出
處之事者時蛻之遇執事於南康時也其來六月而
餘無不得日奉論議欲變陰谷爲生植之地起死人

爲奔走之夫返覆

集作往返

踰時將止復動雖人有昆弟

親戚之愛哭其死憂其病榮其達則或過於執事之

心至於謗被戢動不遽以違命見絕者則昆弟親戚

相強一不相從則終身不復意之

二字集作竟之

蚺前日來

求人爲知己交道之心一旦得遇昆弟親戚之愛又

自思之而夫人

集作盡此

之身宜何如以報謝將報謝復

於執事何所補哉然而有意益厚違命固難者則不

敢書具式託之於韓繁秀才風雪滿硯不獲多書

論鄉飲酒禮書

前人

昨日送貢士於堂上得觀大禮之器見籩豆

集作破

折樽盃穿漏生徒倦怠不稱其服賓主何背不習其容嗚呼天下所以知尊君敬長小所以事大者抑非其道乎天下之用其道歲不過於一日尚猶偷惰如此况天下尊君敬長能終日者乎是以朝廷時誅不順鄉里日起分爭固當然也夫布衣匹夫始則用其道自達故化耕稼爲王侯化陶漁爲卿其變化不測若此然而一旦君上位既不與興俯拜揖之事尚不能素嚴有司時閱其威儀乎嗚呼則蛻謂王公大人

者

集作

老衰罷固當然也然而有擎蹠稽首於髡褐

之前畏敬戒慎有終日不敢嗜酒者不敢近妾婦者

其於誣惑之道尚能去其情自化之術則不能一日

勤其容唯王公大人無慚髡褐乎髡褐尚能有大其

法王公大人反以其道信之乎折以奉髡褐能速化

其耕稼陶漁乎則髡褐者可以有土地而制王公大

人矣是不知升乎科者不由夷狄言還乎資者不由

髡褐

集作

昭昭然奈何哉抑不知孔子之道如商

君乎以其法有斃也伏惟閣下務速有司按諸禮圖

脩其器服戒將事而墮者時訓習之無使每歲臨
事而隳其容幸甚幸甚蛻再拜

移史館書

前人

蛻早源脫十八字

集作忘猶將自復其意况逢足下以中正許身以仁義

自任者乎伏以釋氏之疾生民也比虞禹時曷嘗在
洪水下比湯與武王時曷嘗在夏政商王下比孔子
孟軻時曷嘗在禮崩樂壞楊墨道下然而聖主賢
臣欲利民而務去其民害如此其勤也今釋氏夷其

體而外其身及天維

集作性

而亂中正

集有者字

自晉以來

相率詭恠而狂之半天下而化其衣冠苟未往者不

其

集作自

欺亦不資其生矣聖人之教

棄不相守幾數

百年唐初有天下以爲刑政禁民乘間作詐僞以欺

刑政果所不能公禁之也故竊護其事以愚其民爲

殃罪疾苦隨所作詐僞而反諸身也

集作是

欲教化

因

集作固

天下之心以助刑政教化之一道耳今天子

聰明以爲中正衣冠之所棄則刑政教化亦無所取

故絕其法使不汙中土未半年父母得隸子夫婦有

家室是復出天下

二字集作家

也僕故謂其功業出禹湯

武王孔子孟軻之上萬萬不顯然而洪水開則有禹

貢商周平亂則有諸誓孔子孟軻則至今歌誦之足

下以文用於時為百家所託善惡焉其不為則已若

為之斯其時也勿疑夫立言者不唯能言亦欲言其

時得其時不汙若奚斯史克者也無其時雖多述前

事猶有譏焉僕早傳古學身處草野知其時而無位

敢言又竊見足下未有其意故以移云

集作私焉

上宰相呂公著書

常安氏

御史叩州人

嘗聞善觀天下之勢猶良醫之視疾當安寧無事之時語人曰其後必將有大憂則衆必駭笑惟識微見幾之士然後能逆知其漸故不憂於可虞而憂於無足憂者至憂也今日天下之勢可謂大憂雖登進而不能撓致海內之英才使皆萃於朝以勝小人恐端人正士未得安枕而卧也故去小人難又言猛虎負嵎莫之敢撓而卒爲人所勝者人衆而虎寡也故以十人制一虎則人勝以一人而制十虎則虎勝奈何以數十人而制千虎乎今忿已積一發其害必大可

不爲大憂乎

與真西山書

魏了翁

某生長東蜀自小學讀書既強而仕已知有先生長者之名欲趨拜於下風而道遠江長莫能羸糧拽履此外惟以書請益而又墮於因循既作復輟先儒謂悠悠潰潰虛過歲月是可懼也去年春令嗣稅院相過始得尚書所爲文冠帶讀之夜氣一箴冥升利于不息之正也共極一記考槃在澗求矢弗諼之義也楮衾一銘怙侈裁義服美於人之訓也坐有十圖簡

而嚴勉諭僚屬四事明而切翰林詞章一編溫醇滲
潤其思油然而幽其味黯然而長也其雖未識尚書
之面茲見其心矣化弊文衰人物消磨故國之喬木
零落殆盡新田之采芑培植未豐中外所屬望以扶
持世教康濟時生者尚書一人而已命名纔頒朝野
胥慶咸謂溫公起洛譬之游龍能出雲雨蜀公起蜀
譬之麟鳳能服猛鸞蓋群賢翕聚固爲朝家美瑞而
大賢出處左關國之重輕是必求有以副海內之望
可也危機交隱憂端方始最是人心蠱壞陷溺旣深

非得華陀換腸滌胃之方恐亦未可卒採尚書經濟
之藏倉機古今必知所處於此矣其才不能適時用
學不能輔化理漫以牋文隻字奏於作者之庭詞雖
未工忌者已衆毋思黃離畜乳之吉深味中庸尚綱
之訓若非韜晦定速頽墜所賴尚書主吾道之宗盟
立斯文之慧命盈庭吉士倚作金城如某者倘望聲
容參侍謏語持是以歸見鄉父兄是亦終身之願也
草此脩問瞻望旌榮乞爲宗社保重

上張文定公書

蘇洵

百之君子期擅天下之功名期爲天下之儒人而
旦不幸陷於不義之徒者有矣秘子厚劉夢得呂化
光皆才過人者一爲二王所污終身不能洗其耻雖
欲刻骨刺心求悔其過而不可得而天下之人且指
以爲黨人矣洵每讀其文章則愛其才至見其不幸
故雖自知其不肖不足以希望古之君子而嘗自潔
清以避耻遠羣王公貴人可以不富貴人者肩相摩於
上始進之士其求富貴之者踵相接於下而洵未嘗
一動其心焉不敢不自愛其身故也貧之不如富賤

之不如貴在野之不如在朝食菜之不如食肉洵亦
知之矣里中大夫皆謂洵曰張公我知其爲人今其
來必將有所舉宜莫若子將求其所以爲依宜莫如
公洵笑曰我則願出張公之門矣張公許我出其門
下哉居數月或告洵曰張公舉子聞之欣欣自賀曰
吾知免矣吾嘗懼柳子厚劉夢得呂化光數子以彼
之才游天下何容其身寧如此恐焉懼其操履之不
固以躡數子之蹤今張公舉我吾知免矣孟子曰觀
遠臣以其所主輔子曰知其主可以信其容張公作

事固信于天下得爲張公客者雖非賢人而天下亦不敢謂之庸人矣有得天下不得謂之庸人者幾人而我則當知我者可以弔劉夢得呂化光柳子厚數子之不幸而賀我之幸也數百里一拜於前以爲謝者止爲此耳

求蘇東坡山亭記書 宋程建用

書云巾江於東蜀號爲劇邑以衰拙臨之始至舍無暇洎半年而滯訟清期年而庶事稍就敘乃謀葺亭臺池館之舊則西園之勝有環翠亭焉亭向北而枕

南相傳以薛公田之建也公之爲令實祥符之初其
亭不稱其年意後人別創或增脩無記可考亭前兩
株桐挺植無節目高二丈餘枝葉扶疎亭後甃石爲
山仿植紅蕉三面控掩以墻墻間列詩碑皆薛公與
其子球任本路憲日并歷政諸公之所作也袤一百
有五十丈曰養閒亭亭之後顯正堂挾堂植花果堂
之東潛閣閣之牡丹數叢深紫色此蜀之鮮有也閣
後懸窓窓外竹百餘本紫如葍纖如苧森如東島出
簷際皆廖公子孟之創植文公同爲之記其亭雄壯

冠於邑居前有臺高而登之觀風不知誰所
登臺倚欄其南北與西境皆山川歷歷可觀惟東則
爲亭屋縣樓之所蔽西有棲玃山山有洞田真人之
居也今爲集虛觀古記詞甚俚不顯其名云此山舊
多惡虫蛇唐唐廣德中真人自南陽來卜居其地遂絕
此外莫得其詳南江來自綿之梓泉縣衝棲玃山之
足已而東走有五十里至郡城下合涪江東江來自
涪城歷馬橋鎮過五成山至玄武山下入于南江二
江之水冬或可涉夏秋積雨往往漲至數丈爲壑溺

之惠歷政禦以防惟廖公有碑亦文與可之文也
五成在邑之良地山頭有二圓崖高徑各丈餘俗號
雙眼以邑民多頑悍由稟賦於是前令脩堤命匠者
堽之以實築今無矣觀山之壯而詳其名則五城者
取爲增三成之義今以成爲城蓋誤也玄武在邑東
其山周圍三里六碼三起有龜蛇之象昔之邑民與
山水皆取於此僧寺枕其麓榜以大雄而玄武之象
實寓其中其下有淵淵前後有大如拳小如彈連延
五七里石龜甲之文者近年又有蛇蟠之形者焉

之民三四家琢之以售於好事者此物理之不可考也觀鳳臺之南有一亭亭壁塑亂山勝曰栩栩巖取夢蝶之義昔官於此者或譏其畫景彼固以此爲名建用因而廣之以塑峨嵋而致其意焉建用昔寓峨嵋六七年歸吾鄉而上居於此郊則又遠與之相值每春晴秋晚則夫蒼翠嶮嶭巍然當吾廬之門自從官於茲別是山也不爲不久久而歸遊未有期故形於塑塑匠邑民也亡慮百餘人兩川釋宮老廟之像與夫豪貴之家欲壯山川禽獸草木之類莫非出於

邑匠選其匠之充者而指示以圖於是曲盡其刻有
公之暇近而觀之由其足而循之以至於頂磴道橋
閣相屬如線僧寺山洞皆如其地蟄雷之穴光相之
巖枯木飛爆莫不畢備恍然以爲昔年之旅寓也遠
而覩之瑣碎不能分而大勢橫抹天半忽然以爲出
吾廬而倚衡門也嗟夫玩其塑以爲真其迷可咲然
窮其真亦何異於塑而玩之者未能離形骸之內則
有與塑何所往而非迷况區區之迹寄旅寓之年與
夫去北郊之居逾二紀矣淒然傷齒髮之暮而以崔

鬼者不失其故不知冥中去者彼亦不得而逃此於
道未明者之所爲豈可以累於通人哉然於悲亦悲
於喜亦喜遊於方內者所不能免讎池文章行義冠
天下去鄉國而淹散地亦且十五矣風物之美山川
之勝幼年遊觀晚歲隔闊豈能缺然無所懷哉此所
以有聞於讎池也建用欲易栩栩之名而記其所以
塑山之意服才力之不逮故舉一邑之大槩遠以塵
凡格夫嵩華江湖海岱之間仇池雄勝之觀盡矣顧
最爾之地何足以掛文翰願仇池命一名撰一記以

寓仇池之思使不才之人得以附諸末幸也

荅中江令程公書

蘇軾

軾啓自別永久多難流落百事廢弛不復通問獨吾兄不忘疇昔時枉遠書感昨不可言仍審比來起居佳勝又讀別紙所記山水園亭之勝廢卷閉目如到其間幸甚幸甚吾兄潛德晚遇當遂光大惟厚自愛慰朋之望謹附手啓上謝不宣

又

軾與幼累皆安子山頗得書無恙元脩去已久矣今

必還家所要亭記豈敢於吾兄有所惜但多難畏人
不復作文字惟時作僧佛語耳千萬體察非推辭也
遠書不欲盡言所不自是一篇高文大似把飯叫饑
聊發千里一咲會合無期臨書淒然

論明昇據巴蜀書 國朝楊 璟

聖聞古之爲國者同力度德同德度義義足不敢
其德不足則歸順故能保身家於兩全流名譽於無
窮福及子孫族姓長久反是者往往取敗今足下以
幼冲之資藉先人之業據有巴蜀默然在位不咨至

計而聽辟下之議以爲瞿塘劍閣之險一夫負戈萬人無如之何此皆不達時變以誤足下何則昔之據蜀最盛莫如劉備諸葛孔明佐之訓練士卒財用不足取之南中然猶朝不謀夕僅能自保今足下疆場南不過播州北不及漢中以此准彼相去萬萬而欲以一隅之地延頃刻之命可謂智乎若謂險阻可恃則三苗之君不滅有扈之國不亡蠶叢魚鳧之鄉不至足下矣我主上仁聖神武遣將用兵天下無敵運謀出奇神明鑒應順附者無不加恩負固者然後

致討以足下先人通好之故不忍加師數遣使諭
又以足下年幼未歷事變悲惑於狂瞽之說失遠大
之利故復遣環面諭禍福深仁厚德所以待明氏者
不淺足下可不深念之乎且向者亂雄如陳友諒張
士誠竊據吳楚造舟塞河江積糧過丘山強將勁兵
自謂莫敵然鄱陽一戰友諒受首旋師東討張氏面
縛此非人才實天命也足下視此以爲何如友諒之
子璘歸江夏土師致伐勢窮出降主上宥其罪愆
封以侯爵恩禮之盛天下所知足下無彼之過而能

嚙然舉脂獨斷於心有求多福則必享帝王之封保
先人之祀世世不絕豈不賢智矣哉若必欲徇強一
隅假息頃刻魚游於沸鼎之中燕巢於危幕之上禍
害將至脂不自知環恐天兵一臨勢不可禦前日之
臣爲足下謀者或以郡獻或以城降各自爲身計以
取富貴當此之時老母弱妻其所歸乎縱足下年幼
未曉語及老母獨不痛心搗福利害瞭然可觀進順
之途在足下審之

與歐陽子重都憲書

楊順

不肖不天禍延我先考萬里聞訃五內摧裂曾不得
啜應踴躍於側曾不比於鳥獸焉奈何奈何當復柰
何屬在冑胤宜宅喪主此不歸是無父也歸而不
告是無君也無父無君之人執事奚辱役焉執事若
矜其情而賜之告使秉事寧凶過歸及後維情與實
實兩無之草土之言非所以瀆公聽聞私門之故未
可以厭我執事亦自知之然執事仁人也錫類者也
哀有喪者也必欲歸更不肖者也故敢以私於左右
臨狀荒眩不知所宣

謝歐陽子重書

前人

不肖遭先君子之喪歸情也稽於禮則古缺比於律
則今無星奔之懷翰如奮飛俟命中路皇皇罔措僕
人回伏承手教知爲不肖公言以疏矣又獲見牘草
洽君伯鶴父子酌情憲制義命亡於禮者之禮也其
動也申執事處我勝我自處非夫立人極扶世教者
其能爲此又非夫正學之淵粹文宗之世畀其能爲
此不肖不佞豈以臺下撫也多而私頌作德哉用客
盈坐莫不動容擊節以膺盛德而佩高義況在不肖

之身者不肖天地罪人也茲獲申其情事以逭其不
孝死且不朽矧猶幸存視息不隕其世生之一日公
之德之賜之及也豈惟慎也受賜先君子重泉實昭
感之不肖不忘先君子其敢忘執事哉匪不敢忘將
不能忘匪不能忘焉忍忘之簡書涕泗交頤哀感切
骨不知所云

與金鶴卿書

自七月之變分手非所不向之濶藐焉五年斷金睽
于參商渴瓊漿于寢寐如何其可聊也惟別之後兩

枉珣翰一校嘉藻啓緘伸紙喜與忭會既觀手跡無
照心素滯荆之跡雖同仲宣授沙之懷異異賈傳欣
恹欣恹幸甚幸甚亟欲嗣音仍闕便驛遷延至今傾
翹益勤走僂弱之軀不耐瘡癘戊子春月忽中末疾
篤瘞沉痾行動仰人窮荒絕域乏醫鮮藥閉門抱影
越歲踰時近兵燬甫定而札瘥大侵繼之蓬心摧兀
難以托根波臣涸轍又復轉徙孤懸浮寄望鄉益遠
無踪寡侶較填彌甚儋石同粟里而室無阿舒之愉
遲暮如子雲而門無好事之問僻遠視瓊儋而館無

白鶴之假寂寞均柳永而遊遊無黃溪之適時復靜言
追惟疇曩承清塵於俊邁而華景於英流桑梓芝蘭
之契宴笑過從之雅微言言協協義之析酒賦琴歌之權
炳焉朕膺死猶昨暮忽爾影響曠兮隔世存者如辰
星之望逝者有宿草之悲悲老老子芻狗之談釋氏露電
之喻其最得乎獨居多暇感集悲來輒藉此言言詮以
濯情素高朗之懷其有同哉哉離索以求久廢觚翰湯
爾有作不能多所錄于別帙者是茲用附之去檟庶
傳千里之志可代一夕之話話款款襟襟其遼遼覲覲縷縷莫莫罄罄時

有南風更集良訊

荅重慶太守劉嵩陽書 前人

走之仰止足下久矣所傳聞于永昌張愈光者尤悉
癸卯之秋愈光北上走則暫歸約同謁執事於渝此
彥會也張以病不果行走以獻歲甲之鼉路貫貴治
竟逢其遽匆匆勿留手筆付馬生以荅前款區區
拳拳未藏萬一童永昌來乃辱賜盪櫓豐踰于旦始
則羞誘之忝甚中則相知之已深末復相期之極摯
走雖老昏敢忘酬旃下走賦質愚戇天稟佹強不能

以過情接物虛言定交獨重飲下風憬然高躋紫石
山矣自昔文人類略細謹仰高明則濯纓清泠牽絲
壁立不依禾絹不謁黃陂不近水峰此固鄙人之沃
聞鏤膺者也邇者勗儒創爲新學削經剗史驅儒歸
禪緣其作俑急於鳴儔俾其易入而一時奔名走譽
者自叩胸臆巨以驚人彪彰罔克自售靡然從之紛
其盈矣蟬蛻撼樹謂游夏爲支離聚蛟成雷以舒雄
爲小伎豪傑之士陷溺實繁執事則獨復不染特立
無緇此又鄙人之沃聞鏤膺者也走以而多疾長也

無言然竊有狂談異于俗論謂詩歌至杜陵而暢然
詩之衰颯實自杜始經學至朱子而明然經之拘囿
實自朱始是非杜朱之罪也玩瓶中之牡丹看担上
之桃李效之者之罪也夫鸞輅生於椎輪龍舟起于
落葉山則原于覆篑江則原於濫觴今也譬則乞丐
沾其賸馥殘膏猶之瞽史誦其墜言衍說何惑乎道
之曰蕪而文之曰下也竊不自揆欲訓詰章句求朱
子以前六經永言緣情效杜陵以上四始斐然之志
碎乎不移而影頽吳泉昏及趙蔭跡頽思公力疲吟

父矣束髮以還頗厭進取幸茲荒戍隱君得以息黷
補用自惟千鈞之弩一發不鵠則可永謝焉復效枉
矢飛流噓箭妄鳴乎故無寧效昔人放於實物且又
文有仗境生情詩或托物起興如崔延伯每臨陣則
召田僧超爲壯士歌宋子京脩史使麗監難椽燭吳
元中起草今遠山摩險縈是或一道也走豈能執鞭
古人亦聊以耗壯心遣餘年若所謂老顛欲裝風景
不自洗磨者良亦有之不知我者不可聞此言知我
者不可不聞此言尊論托志機忌之教則豈敢當也

然借以逃尺寸之負俗斯則受貺諒厚不敢交過求
復以見志垂載爲勗此叔達汲王無功盛心也愈益
不敢承焉壯膏之炷欲燼游岱之魂將至捧誦良書
漲負德愛爾馬生辱不鄙後進置之文翁石室然下
走之私不獨爲一人淑惟渝爲郡當蜀之半上子之
質異有可以升君子之堂者亦恐染於新學流之枯
禪將至撻壇索塗不特黃茅白蒿耳矣回其狂瀾是
在海若俾石室之風移渝城之境油雲普覆時雨澍
涸馬生其乘韋之先乎敢併及之

荅劉南坦司空書

前人

來別以來星紀卅易閏餘八更逖瞻官墻邈在雲漢
何嘗不望南颺而引領向東砵而搔心顧空谷隔于
便郵俾嗣音阻于馳問也顧箬溪公來承惠以手帖
賜之佳篇并扇墨之貺一一拜嘉英躋愈穹而不遺
幽遐林居益深而迨及鄙賤服膺無已言謝曷罄走
桑梓未迄蒲柳先衰已求田滇叻問舍昆池烟霞爲
朝夕之賓林泉作羈栖之主虛播無實之名多取造
物之忌雖有漫興之吟不敢聞于時英禰著之編非

新傳于來世執事獨判迹求心愛忘其醜尊論樊借
過情非所敢當也丁未之秋遊華亭寺古壁上見高
製有名山朝翡翠滇海有餘空之句莊誦沈吟久之
作絕句三首欲寄而無便茲觀扇上尊作前篇首句
乃暗與鄙作同韻昔元白嘉陵長安寄詩同韻絕類
千里神交非偶然矣然不肖敢附昔人哉三詩書之
別紙欽仰惟多筆墨笑盡

荅李仁夫論轉注書

遠枉書札下問假借之字有限轉注之法亦有限邪

凡字皆可轉邪走近著轉注古音一書悉之矣然遠
近諸君子觀肖者皆以尋常韻書視之未有琢磨陶
治洗髓伐毛至此者執事其有意於啓誨之乎敢無
以復蓋轉注六書之變也自沈約之韻一出作詩者
据以爲定若法家之王條金科而古學遂失傳矣故
凡見於經傳子集與金韻殊者悉謂之古音轉注也
古音也一也非有二也韓昌黎歟用之方樊諸家注
之曰古音也至宋吳才老深究其本源作韻補一書
程可久又爲之說曰才老之說雖歟不過四聲互用

切響通用而已朱子又因可久而衍其說云明乎此
古音雖不盡見而可以類推愚謂可久互用通用之
說近之類推之說可疑也凡字皆有四聲皆有切響
如皆可通也皆可互也則爲字爲音不勝其繁矣原
古人轉注之法義可互則互理可通則通未必皆互
皆通也如天之字爲天忝忝鐵是其四聲也他年切
之外有鐵因切是其切響也其音忝忝鐵三音皆無
義而不可轉鐵因之切則與方言豈可故止有切響可
通而四聲不互也日之爲字有人心任日是其四聲

其音若音熱是其切響音若者日生於若木故毛詩之音叶之音熱者日本陽精而影炎故楚辭之音叶之今楚南方言猶呼日頭爲熱頭是其證也四聲之平上去皆無義故不互也又如應之爲字應影映役有平去二互而無上入中之爲字中種仲竹亦如之此類推之則室矣詩之叶音如易之卦變六十四卦可變爲九千四百六十六卦而孔子彖傳取卦變之義者不過訟隨以下十餘卦蓋變而有義則取之無義則弗之取也又考之易之彖象皆韻而其所叶無異于

詩詩十五國不同言語而叶音無異也楚遠在江漢數千里外而叶音無異于詩也漢人賦頌史漢敘傳楊雄太玄焦贛易林其取韻又何異于易詩楚辭哉至于宋人則不然歐陽二蘇王介甫皆深于音韻而賢者過之自信謂四聲皆可轉切響皆可通其所推衍枝葉出于易詩楚辭賦頌玄林之外不啻十之五六如其說也則盡南山之竹不足爲其書窮萬籟之音不足爲其韻矣所謂傳而寡要勞而少功亦何取于古音哉大抵宋人之學失于主張太過而欲盡廢

古人說理則曰漢唐諸人如說夢說字則曰自漢以下無人識解經盡廢毛鄭服杜之訓而自謂得聖人之心爲詩文則弗踐韓柳李杜之蹊徑而自謂性情之真義理自然也至于音韻之間亦不屑古人成之迹而自出一喉吻焉今舉其略如園之音云鳴之音鷓鴣貧之音便直之音竹求之于古則易詩楚辭所無也求之于今則方言謠俗不叶也如其類而推之則當呼天爲鐵名曰爲忍矣可乎不可乎故予作古音略宋人之叶音咸無取焉爲是故爾近日宋學王相

古學休囚程文之士習語錄謂之本領一經之徒尊
宋儒比于聖人以旁搜遠紹爲玩物喪志東書不覩
爲用心于內一聞有言議及宋人弱者掩耳強人攘
臂聽予此言也寧無夏蟲之疑乎尚賴一二汲古之
士如執事輩此道尚不墜也執事又謂欲作一序見
執事之得才老之失慎也末學豈敢望古人而亦豈
敢與古人較得失哉但私心竊病才老之書多雜宋
人之作而于經典注疏子史雜家尚歛遺逸其顯而
易見者如左傳之補遺詩之正音戲言首有在

于是特未押于句拟爾譬則練穀之未裁麴蘖之未
釀也謂刀只之餘爲綺麗而遺機杼杯勺之餘爲酒
醴而遺甕盎可乎予之著詳經典亦猶通鑑之前編
其次宋人者猶文章正宗韓柳而下無取也一得之
愚蓋在于是亦使好古者勿惑于類推之說而自取
不類也其才老所取已備者不復載間有復者或因
其繆音誤解改而正之單聞孤證補而廣之故非剿
說雷同也或曰予之古音據之合昭韻賞取于岐公
銘詩矣下是猶一二曷謂不取宋人也予曰昭據合

韻祖于楚辭是以取之用是見子非不取宋人也不
取夫宋人之不師古也凡著書之大凡如此近接月
鳩張子尤數數是書子語以近世知崇古文而忽古
韻猶清廟之祀去簋爵而薦杯盤洞庭張樂廢篳篥
塊桴而進琵琶箏箏也亦必不稱矣或時于賦頌用
韻止以意轉小注一卅字問其音解瞭然不能答也
是不以爲鉤深致遠之淵而以爲禦窮副急之府也
豈非宋人之說誤之哉張子所歎擊節謂子此言雅
中溪可與晤語惜也間以山川阻以雲泥何日明燭

散帙如對黠蒼坐鶴亭時乎臨書于邑許製書序更
異速成翹首嗣音以日爲歲時有目肯不獲手書

與升菴楊太史書

劉 繪

春初得幸文駕經渝適僕上敘瀘謁御史府乃辱書
畱加腆物與諸相識寄聲勤懇具乏僕還自嘉州急
尋動定已邈然不可卽又勞苦官務之麼麼敢追從
是人生於異人會合便不能遂意然則亦有所靳耶
但自滇至巴渝踰越萬餘里得奉足下顏色與之供
笑語偕登覽及訪古搜奇叩經問字未必皆千里一

人何獨至僕而難之且僕起宛洛足下稅駕黔蒼周
迴又不啻萬餘里其同抵于渝蓋百年身一遇却舛
錯神巧若預爲趨避或者彼此傾慕將有所議論而
增益其所未嘗有者此其會合之數尤奇有不在常
者例也雖然古之哲人無曠世苟以道相通不必合併
以形身固自有神相感而響相應者矣僕本汝南膚
末之學道不足以華躬又不足以衡世徒以狂愚取
人垂刺又負單僻之性凡與人交識惟期意氣任情
可否以是憐察者少仇疾者衆顓駘罔所陶煦曷能

遠動足下但僕之仰于足下者有年方其挾策西歸
賜對明光垂虹掣電振耀宇內知足下爲相如楊雄
其人也至操觚執苑校書秘府辭調敵乎金石頌聲
叶于韶濩知足下爲劉向王褒其人也至稷時吐氣
舒咽飛章叶闔闔于五奏攀琅玕而九死知足下爲
賈誼晁錯其人也及今成集所著士人所傳傷時述
懷其孤憤結憂之聲憫流離歎瑣尾者又競英綴彩
燦玄珠而流華寶淩蹤乎七子飛蓋乎四傑又知足
下爲鮑明遠朗玄暉其人也非僕能爲誣謾之辭今

天下纓綬之士類能著耳目焯焯者不足深論獨于
脫略禮度放浪形骸陶情于艷曲耽意于美色樂疎
曠而憚拘檢此天下後生徃徃惑之抱尺寸者又從
而譏訕以爲困躓夷險降志辱身厭溺嗜欲不超玄
遠其略知足下者又爲足下之才之惜以僕之愚懷
乃知足下之微夫人情有所寄則有所忘有所譏則
有所棄寄之不縱則忘之不遠譏之不深則棄之不
篤忘之遠則我無所貪棄之篤則人無所忌無所忌
而後能安無所貪而後能適足下之所爲將來夫安

與適也古人載西施卧酒家買田宅擁聲妓皆豪傑
蓋世之才豈獨無抱尺寸者之見也足下此意亦有
知者而未必試之也僕實得所試矣何則竊觀足下
自蒙難以來嘔心若志摹文續經延搜自氏窮探古
跡鑿石辨剝泐破塚山遺忘今中土傳播所述其他
未及盡見自僕所堵記如經學則丹鉛錄詩學則詩
話錄古文則金石錄雜著則如墨池錄錄併曲譜書
畫譜皆窮二酉攻九丘斷編雕蟲有僻儒若士曰若
坐蓬蘿日自續索所不能盡則謂竭精荒神蕩于逸

欲聲色者能之乎僕以此謂知足下與世人頗深未知是非夫以足下負世重望今生未知得一晤言否
一書於僕推羨太過昌黎以文章振八代卑習當時
學者以斗山相高迄今千年未有馳駕者今足下愛
僕甚不覺過擬近世士大夫以書往來率爲游辭浮說
互相羨譽受之者不察名實居然欣樂此俗態之薄
有道者不爲也今足下其俯下俗而貶損以同之乎
其有所過聽以僕爲可進于學爲有道者之實乎夫
以僕之愚雖無進于學之資而其志則不敢以懈惰

自廢其舉動不敢大謬乎古人彼豐辭腴道豈能珍
昌黎十之二三但甘貧賤守孤芳不以餓死爲憂而
屏息累足待命于顯貴者之門此等事猶薄退之不
爲旣與足下神交欲副其相推之盛心則不得不盡
其狂馬秀才仁和持三月十二日書俱得悉意秀才
氣宇清曠特讀書未曾持苦今朝夕乘閑講論俾就
本實想後來有可望庶不負足下成就人才之意已
後暇豫得好懷思猶與發新文數十篇以明已志總
括何所論著使前自漢以下諸子皆不足稱竝天下

後世燦然睹楊氏爲一大家傳之者將續述如荀卿
孟軻此一段力量微足下其誰能勝之其計能任之
僕淺陋何足知仰足下之高又不能已于多望惟昭
賜慈鑒察其愚而垂採納焉

上陳趙二相公論盜賊

張佳胤

某近得家書傳聞西鄉太平之間賊徒流劫中多白
蓮教亡命之輩聲勢甚大又兼忠萬地方苗中之子
近復倡亂道塗梗塞各州縣人民惶惑不事耕作蓋
懼盜賊流劫遂無固志也此皆因往年妖賊蔡有賢

殘破之後而亡命之人每有報復之說今愚民見
得賊勢萌動相顧驚駭况各處城池不脩防守全欠
如往年蔡百貫陷九州縣之城各掌印官有先期懷
印而逃者有被賊擁入營而甘受辱者賊之所至如
履平地及至事後論罪俱從未減而朝廷明憲竟作
虛文如此寬縱地方何賴萬一前賊未滅則今日之
事尤可寒心近又會戶部丘主事原任富順知縣新
自蜀中來又云松潘番夷亦復搔動竊惟巴蜀地險
而民貧險則攻取甚難貧則轉輸不繼區區一隅罹

此多故此全在當事之臣治國如家及時遽會制之
方萌如果前聞是實伏望明公貽書彼中當事者嚴
脩武備安集人心已形之賊刻期擒捕如有失事官
員照依律例擬斷慎勿似前姑息以貽地方之害增
人心之憤也鄉士之憂有聞不敢不白

與曾中丞

正月二月藩司承吏歸先後奉書記室不審塵清覽
否近得甘彙甫手札道臺下將有平戎之役而且誅
荊關舍以待旌麾當此之時元戎小隊翱翔郊坰而

謝范兩丈其待清言酒酣而歌嗚嗚獨不念大江東
有肯甫其人乎南夷元作何狀實煩經畫近見譚司
馬使劉將軍之過浹得任將之體弟聞郭戒者亦戰
將也江南嶺表各有聲稱油幕中亦可召而問計乎
弟平生不識其人而知其才若將官以廉素名檢繩
之則韓衛諸豪傑棄甲而走矣高明以爲何如近得
家報豚兒以二月十九日抵寒廬曾具慶問之儀蓋
去冬書也茲以鄉人回再希區區不宣

與劉總兵

顯

張佳胤

自將軍出而當國家多事之秋東征西討間關疆場
所在稱神僕於時已釋褐而周遊四方則聞將軍之
名甚大將軍之功甚詳獨自恨官轍相左不得一望
麾下如友人劉維南中丞陳于韶憲副二公也當會
司馬撫蜀時而僕亦在事江南曾司馬貽書切以平
戎爲慮僕答曰劉將軍者發跡西土諸夷畏服且仁
智忠勇有古明將之風得此一公剪犬羊如振落耳
曾司馬固延攬有度然所以再造西南續武侯之勲
者則將軍之伐也僕幾拈筆欲爲明公紀次勲略但

以未中止昨曾司馬書來述明公亦不遺棄鄙人
乃敢通只尺之書以道積抱倘將軍有意僕尚能效
一言勒在朱提之野與天地相為悠久亦萬世之烈
也凱詩數首奉贈

與黃平倩書

袁宏道

客歲附一紙托令弟轉達正是小雪時節後聞以入
賀里旋此紙亦當浮沉矣弟近日此心真死矣邑中
頗有流寓者與之商確甚快小脩近造亦與非復別
兄光景也此事只求安心便作官也好作農夫也好

作僧見市買亦好雜花五十三知識單明此義如王
趙諸公以儒而濫僧者走別路者也凡事只平常去
不必驚羣動衆纔有絲毫奇特心便是名根便是無
忌憚之小人及不若好名利人其實穩妥無遮欄無
委曲於名利場中作大自在人也兄利根慧性一撥
便轉弟知兄從此放下二千百擔子勝去却通身枷
鎖也詩文是吾輩一件正事去此無可度日者窮工
極變舍兄不極力造就誰人可與此道者如自蘇二
公豈非大菩薩然詩文之工決非以筆率得者望兄

勿以信手爲近道也客冬見邸報得詩二章奉寄
無便郵今始得呈然亦不知何時得過錦江也

報張肖甫司馬書

吳國倫

解自大梁如釋迦垢歸後稍得杜門習靜一撤舊痼
中間雖有徙居之勞然卑室短垣無所求備殊不作
苦久之又孑然園居矣天上故人久絕聞問惟有停
雲之思偶敝鄉石戶曾來得足下長書而又分俸解
衣萬里相恤此情蓋與海岳俱矣喜慰何可言此時
旌節尚駐雲中非久且得晉佐司馬之報此自足下

具文武才而資望功伐上當聖心下符羣望異日載
績旂常垂光史策爲一代名賢稱首是大願也所寄
李遇春誌銘情文並致其人雖死不忝爲布衣交第
當別爲小傳表章之岳麓道院記冥悟禪旨發爲宏
詞非隋梁以後人能道今足下雖不離事業已超然
解脫自見本性固自與出世同所謂宰官現身有以
也戶曹還京率爾報謝二詩書在別卷幸監之

柬鄧晦仲

張之厚

建夷一節原屬小醜何足逆我執事之顏行以節

息太甚養成此患今非一大創不可劉將軍威名素著夷獯聞之逃遁菁谷乘間伺隙尚懷匪茹此在將軍操縱中萬無過慮也但不佞叨守此中地方利害聞見頗熟特有世兄在繆公之側故不得不一陳之今日之蜀較諸征九絲播州萬萬不侔九絲值西蜀全盛之會播州則合七省兵糧費至無算而蜀已殘匱談者今爲色變昨歲建南議兵合省搜括庫藏僅得三萬金耳今歲調兵運餉間左騷動公私交困堪爲流涕目今兵餉粗集賈勇登先相機剿撫密圖善

後勲名爛然全蜀垓堵此將軍千載一時哉卽不佞
素餐輩苟有榮施矣如今歲不舉毋論兵老財匱神
武弗彰而小民膏髓已竭揭竿之變恐不在越雋而
在腹心矣世兄情屬肺腑得無緩頰爲蜀中造萬年
之福乎軍需之類取辦甚夥郡縣之吏拮据不遑驛
遞運解晝夜煩苦解至輒拒不納將委之草莽乎如
敝府紫金錠一事是也某欲通候將軍聞其舉趾甚
高鮮克由禮故不敢援老師之歲而妄附之吾兄本
未通蜀俱知左右匡排萬分加意老師大拜在卽舉

動關係不小某辱在肺腑不忍不以直告勿訝唐突
馮楮依依

赤牘

谷孫權

漢昭列皇帝

備與璋託爲宗室冀憑英靈以匡漢朝今璋得罪左
右備獨竦懼非所敢聞願加寬貸若不護請備當散
髮歸于山林

又

漢列皇帝

益州民富疆土地險阻劉璋雖弱足以自守今暴師

于蜀漢轉運於萬里欲使戰克攻取舉不失利此吳起不能定其規孫武不能善其事也識者見操失利於赤壁謂其力屈無復遠志今操三分天下已有其二將欲飲馬於滄海觀兵於吳會何肯守此坐頒老乎今同盟無故自相攻伐借驅於操使敵承其隙非長計也

遺後主勅

昭列皇帝

初疾但下痢耳後轉雜他病殆不自濟人五十不稱大年已六十有餘荷所復恨但以鄉兄弟爲念勉之

勉之勿以惡小而爲之勿以善小而不爲惟賢惟德
能服於人汝父德薄勿效之可讀漢書禮記閒暇歷
觀諸子及六韜商君書益人意智

與蔣琬

漢諸葛亮

孝起前爲吾說正方腹中有鱗甲鄉黨以爲不可近
吾謂鱗甲者但不當犯之耳不圖復有蘇張之事也
孝起陳震子
正方李嚴字

與寇君

宋蘇軾

軾日夜歸蜀耳終當過岐雍間徜徉少留以償宿昔

之意君自名臣子才美漸著豈復久浮沉里中宜及
今爲樂肆時一爲世故所縻求此閒適豈復可得耶

與鄉人

前人

軾去鄉十八年老人半去復生皆不識面墳墓手種
木已徑尺矣此心豈一日忘歸哉久放山澤乍入朝
市張皇失次觸目非好也但久與子由別乍得一處
所以爲喜幸然此卽君廼作諫官豈敢望久畱者相
知之深故詳及一

與毛澤民

前人

新居在大江上風雲百變足娛老人也

與鞠持正

前人

兩日薄有秋氣想起居住勝蜀人霜未昇臨孫知微
水圖四面頗爲雄爽杜子美所謂白波吹粉壁者願
挂公齋中其可以一洗煩暑也近晚上謁次

與大別才老

前人

山門虛寂長夏安穩燕坐湛然得無所得無緣面話
萬萬有愛

與徑山長老

前人

嶺南萬里不能死而歸伯田野遂有不起之憂豈非
命也夫然死生亦細故耳無足道者唯爲佛爲法爲
衆生自重

與陳季常

前人

柴炭已領感忤感忤東坡昨日立木殊耽耽也

又

前人

王家人力來及專人并獲二緘及承雄篇貧詠異夢
謬成仙果甚喜幸也其雖竊食靈芝而君爲國鑄造
藥力縱在君前陰功必仁君後也呵呵但累書聽流

言以誣平人不得無所損也縣弧之日請一書示諭
當作賀詩切祝切祝北日起居佳否何日決可一游
郡城企望日深矣臨臯雖有一室可憇從者但西日
可畏承天極相近或門前一大舸亦可居到後相度
未間萬萬以時自重

又

前人

欲借易家文字及史記索隱正義如許告季常爲帶
來季常未嘗爲王公屈今乃特欲爲我入州州中士
大夫聞之聳然使不肖增重矣不知果能命駕否春

甕但惜不須更爲恨也

又

前人

疊辱來貺且喜尊體已全康復然不受盡言遂欲聞
公何也公養生之效歲有成績今又示病彌月雖使
臯聽之未易平反公之養生正如小子之圓覺可謂
害脚法師鸚鵡禪五通氣越黃門妾也至禱

荅范野公

前人

李成伯長官至辱書承起居佳勝甚慰馳仰新居已
成池圃勝絕朋舊子舍皆在人間之樂復有過此者

乎某凡百粗遣春夏間多與蹇及赤目杜門謝客而
傳者遂云物故以爲左右惡聞李長官說以爲一笑
平生所得毀譽殆皆此類也何時獲奉几杖臨書悵
悵

又

承別紙示諭麴蘖有毒平地生出醉鄉土偶作祟眼
前妄見佛國公欲哀而救之問所以救者小子何人
固不敢不對公方立仁義以爲城池操詩書以爲干
楯則舟中之人盡爲敵國雖公盛德小子亦未知勝

負所在願公宴坐靜室常作是念當觀彼能惑之性
安所從生又觀公欲救之心作何形相此猶不立彼
復何依雖黃面瞿曇亦須歛衽而況學之者耶聊復
信筆以發千里一咲而已

又

前人

顛仆罪戾世所鄙遠而丈猶收錄欲令撰先府君墓
碑至爲榮幸復何可否之間而不肖平生不作墓誌
及碑者非特執守私意蓋有先戒也反覆計慮愧汗
而已仁明洞照必深識其意所賜五體書謹爲子孫

之藏幸甚幸甚無緣躬伏門下道所以然者惶然
又得蜀公書知佳健家兄書云每去輒留食食倍于
吾輩此大慶也頻得潞公手筆皆詳悉精好富公必
時見之間其似四十許人信否君實因甚清安得此
數公無恙差慰人意

與陳季常

前人

某局事雖清簡而京輦之下豈有閒人不覺劫劫過
日勞而無補顏髮蒼然見必笑也予由同省日夕相
對此爲厚幸公小疾雖平不可忽善言不離口善藥

不離手此古人要言可書之座右也

與魯直

前人

晁君寄騷細看甚奇信其家多異材耶然有少意欲
魯直以已意微箴之凡人文字務使平和至足餘溢
為奇怪蓋於不得已爾晁文奇怪似差早然不可直
云耳非謂其諱也恐傷其邁往之氣當為朋友講磨
之語乃宜不知公謂然否

荅陳師仲

蘇轍

轍少好為詩與家兄子瞻所為多少相若也子瞻既

已得罪輒亦不復作詩然今世士大夫自亦不喜爲詩以詩名世者盡無幾人間有作者充足賢也故僕得其所爲輒諷詠終日譬如新病瘖人口不復歌聞有歌者猶能手足舞蹈以自慰釋足下尚能以五百篇見惠耶苟有以慰我不必矜自口出也

荅任伯起

朱熹

誠敬寡慾皆是緊切用力處不可分先後亦不容有所遺也然非逐項用力但試着力持守體察當自見耳

與李端敘

黃庭堅

老夫懶作文但傳得東坡及少游嶺外文時微吟
清風颯然頤同味者難得耳

又

前人

數日來驟煖瑞香水仙紅梅盛開明窗淨室花香撩
人似少年時都下夢也但多病之餘懶作詩耳公比
來亦游戲翰墨間耶北得荊州一詩人高荷極有筆
力使之陵厲中州恐不減晁張但公不識耳

與王瀘州

前人

棄捐漂沒早衰多病杜門不與人事之日久矣不能
承動靜缺然累月引領旌旆何日不勤庭堅已成老
農畦種摩圍之下粗給衣食無緣瞻望臨書增情

與東川提舉書

五則

前人

某名在不赦之籍長爲人間棄物胥疏隱約蓬蒿之
下直偷生耳已無冠蓋可從人間禮數幅巾短褐僅
自益纏不可以參謁使車道左竊惟盛德之度可以
存而不論言語鄭重老病之常態冒瀆情重悚仄無
地

又

前人

某再拜竊惟道塗風霜使節衝冒良亦勤止即日不
審按部所至尊候何似澄清之氣凜然光被於江山
願篤行李以慰夷夏瞻仰小寒伏祈爲國自重區區
誠禱謹附承動靜

又

前人

某壘敝撲愚未嘗得望履幕下重以負罪竄逐強顏
未死捐棄漂沒不當行李無階脩敬昨以親嫌遷置
戎壘遂得潛伏蓬車爲貴部之民區區常慮謫籍之

塵垢點汚大柿之光輝以是久之不敢通名于左右
恭惟君子能盡人之情知其心危慮深終不以爲簡
也

又

前人

某聞居杜門蓬薿柱宇廳廳同逕寒灰稿木不省世
事故非至親至舊可以通書而又不以罪譴點染爲
嫌者未嘗敢脩牋記以是待罪部下累月不能作狀
一道衰疾之迹萬里投荒一身吊影其情可察頭眩
目昏書札不如禮伏惟高明仁慈尚能寬之

與元不伐

前人

所諭家徒四壁應舉蹉跎貧者士之常富貴在天安
可人力較耶知寸心不與萬物俱盡則在此不在彼
矣千萬拓胷次衡門之下古人不遠

又

前人

知命挾雌將雛下荆峽迎元明未得近音也文章殊
不能下筆蓋方智與齒髮俱衰憂病又侵其半所謂
吾猶昔人也有放恣張石刻數種亦可以見其衰颯散
漫矣

谷虞印州

方簡

宋魏了翁

鶴山瑞光之事亦可怪弟鄙見有未達者不敢登之
紙上蓋天地間惟陟乎離者乃有光雖日星山岳草
木之精發而有光者皆離也無故而光只是草木之
有光者或者山川蕪沒之久一旦賢使君發舒之効
祥薦異或有之便謂佛力斷不然也

谷郡守

國朝宋 濂

自嬰禍患以來得征忡疾見一夫負戟而趨心輒驚
怖杵擊下上面無色澤近來衰羸益甚自度亦不久

存人世者所居之北有一峰峻甚俗以其如馮翊夏陽之山因號曰小龍門其間多閒曠之地思誅茅架草屋三間以奉老親此足一出衆事皆弃

荅楊應寧少傅

林俊

事叢身益瘦每及歸諸老輒相阻不知平生僅此易退一小節茲出將併失去矣三月滿力請骸骨亦稿夜話當數夕我也

與張含

楊慎

年來萬慮灰冷惟文字結習未忘願以此自累抵罪

用是勇令書壁老境病魔難侵筆硯神前發願不作
詩文自今以始朝粥一盞夕燈一盞作在家僧行徑
惟恃麗公空諸所有四字

與成都楊節齋珩

蔣道林

邇來進脩何如家庭內外慶樂何如天與善人諒有
凡如願也台山督學質且天性願講論於同志亦久
破俗格以興豪俊此事何如

與楊節卿弟玠

前人

何令兄忽有此匪一門一郡之不幸實斯文之不幸

也勒石銘章諒大邦自有名筆惟平生嗜學大致悉
非僕實人能悉也

又

前人

令兄節卿生死關係匪細誌銘誠不可緩脫非有素
契爲之弟誰當任此去稿適有他務殊草草模寫不
盡中間要皆實事勒石後風便得寄一通慰當何如

荅蜀僧通陸

雷叔聞

舟別嘉州檣征過通雲谿浩轉迷其北南還望不見
我思如何蜀道險巖山叢水激羣峰來流大小鎮塵

競勢爭上後先聳逐青雲靄而萬嶺合芳木積而巨
壑平城郭帶映人烟蒼耿白鷺飄王于清沙之上青
嶺接響于崇岳之際東過白帝之城黃牛之峽灩預
之石虎牙之磯禿壁蒼天驚流鼓地晨風雄邁午日
函照信可壯觀但景峭而不舒勢仰而不頽之易直
之容寡旁達之度亦其地使然乎故林歸日去世益
遠散骨難縫脣趾不壯况能塗飾面日以相角逐耶
千里之期何時後會每日月一照身膏頰減要是會
其有常方可齊一生死足下夙尚名理雅志靜銳兼

能漸登儒囿錯綜史傳辟如遊西方而歷都會宗廟
百官之盛當有獨契于心者非必固守衣鉢作生活
也如何如何